



# 寶華山志

十三至十五

DS  
793  
K452  
P366  
1700  
v.9









寶華山志卷之十三

千華二世定菴基祖輯 十六洞天劉名芳纂修

千華七世文海聚祖重校 千華十五世聖性宗再梓

贊

寶公贊

唐李白

水中之月了不可取  
虛空其心寥廓無主  
錦幪鳥爪獨行絕侶  
刀齊尺梁扇迷陳語  
丹青聖容何住何所

寶公贊

僧皎然



大地之動我安其中高景無氛靈鶴在空出生  
死海隨物有終弊形駭俗借繪開蒙嘗攜刀尺  
精意誰通

寶誌公像贊

調用漁家傲

明太祖

竹杖頭邊垂落索歌吟笑傲閒行樂怪怪奇奇  
無檢約遭獄縛神游布帽皆驚愕梁武有爲多  
惑錯公能對病施良藥鏡照剪裁連尺度都用  
著虛空透出無生樂

寶誌公大師像贊

釋觀衡 崙愚



無生示生生緣自異無用而用用亦非常度蟒  
而嗔心頓化噉鴿而生命無傷修習空華佛事  
莊嚴水月壇場集懺語傳慧燈卽文字爲津梁

普照禪師像贊

釋宏智

無可

寶公築廬世傳遺礎久委荆棘人望而阻公卽  
再來難認舊土山幸得師心期復古焚林驅魍  
斷臂祭虎樹剎振興推爲鼻祖噫師眞法門之  
龍象世外之南仲與山甫

妙峰禪師像贊

劉肇國

阮仙



師迺春秋續鞠之後氣骨峻嶒躬行朴茂蒲坂  
中條機關參透天台補陀履無滲漏銅殿崔巍  
請自母后安置寶華功垂宇宙蔚爲南宗南宗  
有後呼作淨子淨子亦受維妙諦之圓通聳高  
峰於坤厚迄今東南景隆昌戒範之森嚴皆賴  
公當日凌雲之傑構

三昧和尚像贊

釋戒顯

晦山

法說四十年道行幾萬里鼎重律門毗尼振起  
大靈谷之嘉聲肅南山之正軌在東林則白蓮



重開應遠公再來之識在破額則紫雲徧現爲  
醫祖中興之子到處鬼神稟戒以致帝王賜紫  
至今越北燕南盡是千華發蕊後千斯年瞻之  
仰之孰不涕淚悲號搏穎有泚嗚呼盛德大業  
至矣哉

見月和尙像贊

釋宏儲

繼起

言爲天下則行爲天下綱得心地戒縛脫俱離  
氣槩南山律虎性超天廐神駒像季而得此老  
優曇之現一時



見和尚像贊

蔣超 虎臣

滇南發跡崛起隆昌頭顱鐵鑄性辣桂薑三聚  
澄于汰玉五部皎若冰霜再演波離重光之日  
月重整南山已墜之頽綱實爲狂流砥柱末法  
金梁三次般舟三昧誰人行得一手中興律社  
事業非常雖是規矩嚴肅卻也用圓體方門庭  
高峻聲播大唐千百載之下瞻之仰之者知爲  
千華律虎蓋代獅王

見和尚像贊

釋戒顯 願雲



來自滇南夙乘大願生鐵爲骨宏爐自煅起南山已墜之宗畢千華未了之案雖是有規有矩門庭卻具殺人活人手段人但見鳳毛麟角三千里外奔騰孰不知罄甕粥鍋二十年來血汗嗟縱然打破大唐難得如斯烈漢

考

華山銅殿考

王 槩

安節

華山銅殿奉勅於明萬歷三十一年癸卯冬明年甲辰妙峰登公迺出鼓鑄蓋本慈聖李太后



懿旨也誌傳所載皆同獨近日陸學使密菴游  
記謂爲陳太后予考孝安陳后爲明穆宗次后  
隆慶元年冊封無子多病未聞事佛且於萬歷  
二十四年丙申己崩李太后係神宗生母由宮  
嬪進皇貴妃萬歷元年上徽號故事天子非嫡  
生而尊皇后稱皇太后若生母亦稱皇太后則  
加徽號於皇后以別之時馮保欲媚神宗生母  
風太學士張居正以並尊於是下議尊皇后曰  
仁聖皇太后皇貴妃曰慈聖皇太后而兩宮無



別矣慈聖性慈惻究心內典好施予凡天下名  
勝地皆置梵刹動費鉅萬神宗亦助施無算華  
山銅殿建自李太后無疑而陸學使以爲陳后  
殆偶悞耳況陳后母儀無聞李后德被中外李  
后從居乾清撫眎神宗主持國是神宗少或輟  
誦卽召使長跪每御講筵入常戲作講臣進講  
儀於后前以驗其記否當朝更漏未盡卽之神  
宗寢所呼起勅左右掖之坐取水爲盥面掣以  
登車而出其時宮中起居無不嚴謹而世頌太



平之休者咸歸功於母德予故於銅殿之建而并欲世知慈聖爲明代賢太后非銅殿足爲慈聖重迺慈聖足爲銅殿重也至江寧郡志句容邑志謂李太后忽夢一山皆蓮因下部徧搜名山有蓮華其名者禮臣以南中寶華山應后卽勅建銅殿一座崇奉大士是或記載有本然於黃徵父焦澹園李本寧諸先喆及憨山師則謂登公曩於西蜀廣購南金造三大士各範銅殿以貯文殊普賢已奉峨嵋五臺獨普門大士擬



送補陀緣事未果乃徧卜佛前得華山而定居  
焉其說與郡邑兩志未協夫郡邑志成於後黃  
焦諸公乃先代文獻近而有徵山寺藏櫃况復  
藏有萬歷三十一年十二月督稅御馬監邱爲  
登公建殿給牌紙墨猶新不尤大可據耶余每  
嗤人凡屬名勝造端輒託諸夢感夫夢境恍惚  
孰從而證之不若竟以黃焦李憇四公之說爲  
是山志成定公因兩說紛紜恐其久而莫知所  
從屬予辨正予曰傳說紛紜非特此也往者天



界報恩兩刹松栢參天或謂種自憨山之師無  
極或謂種自大城山人盛仲交說甚不一頃閱  
弱侯太史玉露堂稿序曰予自弱冠讀書兩刹  
路旁松栢成行皆寶幢居士顧清夫手種其疑  
乃釋又泰山之巔用祀碧霞元君或謂軒轅黃  
帝第九女入山煉形飛昇者或謂州民田氏女  
居黃花洞修真得道者或謂萬彙生於東方民  
生厥初以母爲主泰東岳也故祀元君道書山  
志盡皆荒唐附會獨劉同人以爲泰頂始祀青



帝帝左右有金童玉女皆鑿白石肖之及青帝之宮旣燬金童爲棟梁傾折所壞玉女無恙後沈埋土中宋祥符初真宗巡泰命王欽若建祠掘地得之奏聞遂祠玉女自是承訛踵謬遂忘青帝而直以玉女主之然明嘉靖間乃勅封碧霞元君乃與青帝並祀非專祀元君也明矣又九華山化城寺中有銅殿範銅爲瓦以覆鉅棟奉新羅王子金地藏世俗則直以地藏目之是所傳異人者也若夫岐陽石鼓昌黎以爲周宣



獵碣太史籀書鄭樵以爲秦篆必李斯書馬子卿以爲宇文周所立焦山瘞鶴銘或曰晉右軍書或曰華陽真逸爲陶徵白書或曰唐顧逋翁况書是所傳異事者也凡若此者皆屬古人之跡無關於學術人心奚庸深辨苟關於學術人心卽或一人一事傳聞稍有差別而其是非曲直相去不容毫髮不得不爲之毅然剖正矣是因定公致書不可以無復春夜挑燈據案作考字多欹傾語無倫脊不欲重錄恐以無益文字



妄廢楮墨噫嘻亦復嬾態具見矣哉

書

與見月和尙

王宏祚 玉銘

道高驚嶺德重曹溪雨過天清妙用無礙鳥來  
雲去自性真如總緣戒生定定生慧直臻菩提  
妙果永作人天標表豈第深山窮谷知爲海內  
善知識也生誼篤枌榆景仰高風匪伊朝夕第  
自通籍來日在風塵勞攘中忽忽三十餘年都  
向忙裏虛度客春自揣黔技久窮馬齒漸長具



疏爲引年請予告歸來獲遂邱壑之志去冬抵  
金陵暫憩調攝距靈鷲峰頭咫尺間尙未得沐  
慧海之清瀾飫醍醐之精液何緣艱一至是耶  
先致慕悰嗣圖齋沐身心頂禮法座俾三十年  
大寐一朝頓寤然後買舟溯流而上渡洞庭涉  
沅水躋攀貴筑間道金碧直達九隆誅茅結室  
與二三禪友講究性命之學庶不致鹿鹿虛此  
一生也

寄見月大師律主

釋智旭

素華



律學之譌將及千載義浮懷素二師旣沒能知  
開遮持犯輕重緩急者絕無其人近世愍忠大  
慧律主頗糾正小半猶未復佛世芳規旭又薄  
德尠福不足取信於人寤寐永歎涕淚交流大  
厦將傾決非一木所支邇聞座下舊金剛志秉  
智慧炬革弊遵古喜而不寐冀獲良晤盡獻片  
長以益明聖塵歸大地水入滄溟座下旣得盡  
善盡美旭亦無遺珠刖璞之憾矣今夏細商集  
要一編遂重治成藁卷帙較舊不多而刪繁補



要頗爲精鍊并聞之具眼者

答寶華見月大和尚

釋行岡 干仞

古之君子爲立六合內事尙一家非之不顧乃  
至天下非之不顧况圖出世大法塵劫遠猷豈  
可近一時耳口曲徇流俗人情耶然律學之譌  
已經千載革非矯弊愈急愈難邇來緇素邪習  
成風嚴擇則招怨之端濫許則壞法之始今叢  
林稱圓稱頓稱大乘者徧滿域中獨毗尼一宗  
諸佛入道根本邇來置諸高閣慶逢和尚夙植



慧心精嚴律範宏願均施以寬成大住持僧寶  
以局表尊愧弟株守祖翁舊址毫無善狀可稱  
進退維谷其何以堪靈源清禪師云易世俗未  
難援時流尤苦心銘此語久矣愁人莫向愁人  
說說與愁人愁殺人和尙自具金剛正眼探律  
海深源亦謂斯言同肝膈否嚴冬猶寒伏宜珍  
重謹復

答定公大和尙

卞永譽

令之

目企雲踪跡羈塵表遙想大和尙善因宿植妙



果證成高踞華頂日窺真詮之奧者不識如何  
精透况值此碧天空闊秋景怡人移榻就清風  
焚香對明月其佳境更何如也弟俗緣難屏延  
佇徒勞而鹿鹿魚魚惟纏擾於簿書中莫或遑  
息以此久疎修候歉仄正深茲反重荷注存琅  
函遠錫捧讀之際如覲光華欣慰之私真有不  
能言寫者矣承法愛拜登尖茗俟烹虎跑之水  
以滌胸襟之穢寧啻坐我松濤耶

寄華山定和尚

朱雯

喬三



客夏請雨急詣山中祇請龍子得以瞻禮戒壇  
靜親德範因見宏規大節區畫精嚴楚水晉山  
千徒林立不惟身爲律度振梵網于頽落之秋  
抑且力挽澆漓彌宗教於凌彝之日山川由是  
增高增邃坐息之下頓覺別有地天翛然動遺  
世獨立之想無如塵緣未斷俗事糾紛恩恩別  
去隨得甘霖遠邇渥足是皆和尚平素持誦功  
德一動念間早已澤徧八埏也龍子不用捧歸  
早已暗中飛還潭底仍潛故處矣弟自返荒署



愁城苦海仍復逐逐鹿鹿便與慈航隔若天壤  
何意蓮華寶座上人猶念及風塵俗吏耶遠承  
慈教貫鉅難言詩畫二妙出自四禪天上大非  
人間李杜張吳所可比擬一點一滴墨瀋無非  
定慧海中法雨靈源之所及也當虔供淨地朝  
夕禮拜如見慈顏敬謝倘龍杖遄飛希過我懷  
汲堂一爲捉麈何快如之來師卽旋悵惓奉復  
容再布忱

啟



請三昧大和尚住寶華山公啟

方震孺

恭惟大和尚髻珠高揭心月孤懸指解脫於毗  
尼非止依文據義導羣迷于慧炬且使沿流遡  
源陪京之蓮座久虛寶華之潮音乍寂蒙大和  
尚惻然矜憫不惜拄杖之爲龍概爾記莚將俾  
黃金之徧土茲者四眾欽心披誠布髮奉迎禪  
杖於江干佇候軍持於巖畔應知歡喜嶺上彌  
勒之樓閣重開黃花洞前帝釋之優曇再現孺



等得習木义用酬法乳臨楮無任翹企之至謹  
啟

請三昧和尚住寶華山公啟

蘇若霖

恭聞中和位育原聖諦之真種禪定戒律亦王  
度之慈航法當晚季知識難逢世教雖隆眾生  
障重是以抱覺世之懷者不忍高談空解提救  
時之印者必當普順羣機茲遇大和尚馳教乘  
之兩輪彰性相之雙鏡瓶錫所至靈瑞每呈警



欵一臨睡夢咸醒霖等幸際明時叨承末蔭私  
念報佛卽爲報國護法乃以護生竊以寶華一  
山江流襟帶霞嶺環回大士於茲應現古德從  
是莊嚴轉輪聖王手澤猶新真正佛子宏誓未  
滿仰祈大和尚惠然振錫豎拂山中將使瓦礫  
生輝野干革響青青翠竹共演無生鬱鬱黃花  
爭談般若以六時方便樹萬劫功勳矣願諸衲  
子以創新寺之資來興古剎諸檀施以塑新像  
之力并飾廢容共結千華之寶社克繼五葉之



勝因卒爾布惘無任瞻企之至謹啟

請三昧和尚住寶華山啟

劉若宰

雷沙

伏以聖院重輝淡塵緣於性海祖燈再續導俗  
趣於迷津宏開選佛之場用駐真如之錫竊爲  
寶華山隆冒寺基肇梁代鼎建天朝寶公一片  
石雲鎖袈裟妙老千尺幢風歸鈴鐸慨至人之  
已逝思佛地以重新恭惟昧翁老和尚蓮社胎  
花起慧遠於今日石城藏骨契佛印於當年廣



宣玉律之迦文開堂啟教普引金繩之覺路飛  
錫度人旣久將祖師衣鉢偈續三更豈忍思古  
佛道場草深一丈謹率大眾咨啟大和尚祈法  
駕以來茲欽道範而仰止庶鉗錘樸板拈來處  
處作機鋒喜鹿女雁王引去時時瞻寶座敬希  
慈鑒俯賜惠臨拜亟莫盡顙望之至

請昧和尚開戒於姑蘇北禪寺公啟

忠信之薄方彰禮教身心易放始顯律宗豈不



以津梁緬邈急度水之浮囊山谷逶迤仗指南  
之圓輓人能宏道法以防非當今律漸陵彝魔  
外得而蹂躪人趨簡易行住失於綱維所以猷  
業儲精闡毗尼於中土羅義秉化集律藏于西  
天花萼紛敷經五師之授受文言璀璨識十誦  
之開遮故闡士萬行戒善爲先菩薩十受專持  
最上實列聖之心傳非一夫之臆說恭惟大師  
和尚瓶鉢辭家不染後天之習衣裳繼體真成  
古佛之遺詞嚴所被礪刃以須耳順方逾戒珠



不失其欽絕力似龍象而蹴踏羣機思近餘輝  
以牟尼而澄清濁水益等纔如醉象不顧墮塹  
填坑宛爾癡蠅兀自貪甘就暖時時猛省忽忽  
增慙爰擇十月之吉樂助北禪之請向昔賢捨  
宅之區爲今日發心之地雲斂天高幸游氛之  
無影山空木落識萬物之歸根人旣肅以秋冬  
蛙亦禁其鳴吠大眾翹勤一心瞻仰徧三界之  
香花設千人之鐘鼓持地平塗諸天敷座惟冀  
和尚應無限之求豈但朝三是賦益等申有待



之請遙指臘八爲期謹啟

請三昧和尚開戒姑蘇北禪寺公啟

王心一

經宣梵網諸佛戒開甘露之門律攝沙彌大眾  
心等明珠之護蓋須無非於自性奚止防過於  
外儀然非大威德作方便之總持安令眾狂愚  
種入道之根本茲遇大善知識三昧大和尚法  
座下法苑金輪靈山寶樹盧舍那佛證清淨之  
菩提古心大師傳律部之衣鉢浮沈愛欲之海



火宅晨涼出沒生死之河迷途夜曉瑩璣琢玉  
祇欲植軌于寰中砥石礪金未肯逃規於象外  
津梁三界拯淪溺于法橋汲引四生燭昏霾於  
慧炬吾蘇北禪古寺最爲嚴淨之場爰有端和  
律師素稱中興之士憫眾生于如夢岐感受持  
之路發大願以開期汎除說戒之壇執瓣香以  
攄虔代馳竹簡著五體而投地敬迓蓮輶藹麟  
鳳之來儀翹瞻在于十月紛夔龍而並奏諦聽  
何止千人無根安花從此能定能慧悉生戒德



之後匪鏡曷炤何以是情是心皆入佛性之中  
想應現於十方未嘗久居建業知分身于百佛  
豈忍獨後吳門緇素齊歡人天共仰謹啟

與見和尚求法名啟

和碩莊親王

蓋自燈然東土爰開瀚海之迷津杯渡南州宏  
啟梵天之覺路融通不二智愚咸仰其端解徹  
無生賢哲罕窮其蘊是以親蓋幢之寶所方悟  
拈花爲之企巾拂于香林因知指月竊聞見公



大和尚幼鍾穎敏夙擅清華龍樹傳經見超四  
果鷲峰演法理契三心妙義敷宣瀉江河而不  
竭元音和暢鏗金石以彌堅洵精舍之慧珠而  
窮涯之智筏也予行依桂殿生育椒宮正教實  
切于素心內典鮮探其奧旨遙瞻獅座切竚蓮  
臺淨宇慈恩竊冀洪波之沐名山甘露庶叨普  
潤之霑歎法紀每足牽羈感江關無由閱歷謹  
馳一介代詣千華賁帛微忱寧比金磚布地香  
花小獻非如玉帶鎮山惟希慈鑒茹存伏冀法



名惠錫惟提攜乎後起將接引于來茲臨穎皈  
依可勝瞻溯之至

請見月和尙住上元慈應禪林啟

薛必科

佛制律興啟人天之眼目毗尼教演樹衲子之  
堦基示現千華攝歸四眾恭惟本師大和尙菩  
薩化身大法紹隆於雞足仁人應世威儀祕發  
乎龍函七聚五篇振玉音而宏化三壇四分代  
金口以敷宣建寶筏於迷津明慧燈於覺路必



科俗諦根深久沐慈恩而歸向善因契合屢叨  
廕庇以垂施闢地作蓮臺拜懇應身移法席開  
山爲佛國虔求飛錫降慈菴願偕座前龍象爲  
兩序之導師乞捨身畔衣珠給諸方之大德進  
沙彌以圓具戒權輕重於開遮集初學以成大  
僧嚴纖毫於破犯良會一期植根因於佛果行  
深億劫證法忍於無生必科泥首叩迎抒衷陳  
請伏冀寵臨曷勝延候謹啟

與見和尚啟

丁思孔 景行



恭惟大和尚響振法雷名高師座散醍醐之妙  
諦甘露重流宣金口之遺文天花自下典型在  
望雲霧頓披孔自慚俗吏久滯迷津仰止華嚴  
望優曇而如覲塵勞吳會瞻彼岸以何從茲者  
僭擬額聯侑以清供第因才短何能追廣果之  
詩祇籍敬將聊用比瞿波之飯伏惟慈鑒俯慰  
塵棕臨馳可勝皈嚮之至

請定菴律師開戒於西湖昭慶寺萬壽戒

壇公啟

孫 焯



伏以名經傳東土演教恆遵戒律爲先古刹鎮  
西湖登壇惟仰知識爲重跂法幢而引領申素  
牘以抒忱恭惟大和尚法座慧日同光慈雲徧  
覆止風旛之兩動徹雲水之平分瓦鉢長隨一  
滴不教滲漏木龕危坐九年儘肯潛藏屏鬼食  
之饞晡而不爨法天行之健夜則無眠祖述南  
山不減靈芝秀衍憲章西竺何殊迦葉嚴持壽  
自戒中來天爲眾生而遺一老福與慧俱足人  
因環遶而乞三皈固知在在津梁寧必獨暖隆



昌之片席自當飄飄杖履從茲徧驅羅刹之游  
踪竊念昭慶萬壽戒壇地湧蓮臺天開猊座神  
靈兆瑞實爲燃燈佛所降生梵宇莊嚴非但宋  
理宗之賜勅傍城依嶺果然佛國金湯鎮海臨  
湖展也僧伽宮闕斯固吳越之最勝人我所同  
歸者也邇來羅漢低眉殊悲不借金剛努目似  
起無明總緣律典凌彝遂使叢林黯淡必得大  
鉗錘爲之追琢諒非小爐鞴可以陶鎔在寺僧  
旣已投誠若諸人更多嚮往况如焯等慕宗雷



之附社未習威儀悟坡谷之前身期歸模範三  
生猶夢悔不及早回頭萬法皆空亟欲從今撒  
手伏願婆心憫惻道力提攜開證果之門秉降  
魔之杵錫飛華嶼跨島鶴以翱翔杯渡揚江駕  
海鰲而至止莫謂蒲團如斗或疑蚊負泰山應  
思沙磧成金佛笑蜓撏鐵櫪闡宗風於大地登  
七寶不啻二千五百人俱崇懿範於諸天演八  
戒將踰三萬六千場久矣謹啟

請定和尚啟

顧豹文



聖湖現瑞靈山宗旨西傳驚嶺遄飛蘆筏慈航  
東渡寰區名勝江浙推先宇內佳壤武林爲最  
昭慶剎自石晉戒壇建於初明崇律說法集聽  
如林陞座譚經參疑究難寺爲三百六十之首  
宗五山十刹之律院屢經興建俯瞰西陵抱郭  
懷湖門臨十景依巒帶岫戶對兩峰迢迢古道  
兩傍松檜蓋仙橋歷歷僧寮一派鐘聲來梵宇  
恭惟定老和尚修養華山道高海內豹等忝居  
下里幸切剎隣憫寺衰微僧眾寥落須仗大和



尚飛錫於湖山實乃重光於古刹行見舊規增  
飾紺宇接霄禪林永爲清淨之場戒壇不惹塵  
氛之垢不緣道力高深何幸精藍永固敬列同  
人仰祈命駕謹啟

復梅山和尚啟

釋德基 定菴

伏以道在人宏材由匠造良工一出辨玉石於  
璞中大冶頓開別金沙於火內人天景仰遐邇  
欣從恭惟梅山大和尚獅座揭地掀天輝今耀  
古權開五位擴洞上之家聲善接三根真寰中



之眼目兩山相峙正喜好友爲隣尺素特頒忽  
驚輕帆將掛對多珍而感乍望岐路而懷思師  
命卽行曉月橫天舟去疾父召無諾寒山積雪  
鳥飛遲古道足風良規可法伏願蘭橈速返慰  
雲樹之遐思塵拂早臨對鶯花而快意率此奉  
復並致謝私遙望梅峰臨臨啟瞻切

莊親王送額謝啟

釋德基

定菴

伏以大人權現匡扶法道之秋夙願宏施不負  
靈山之囑椒宮降迹蓮座分身恭惟



親王殿下桐圭貫日花萼聯輝久推雋望於家邦  
獨擅屏維於宗室銀潢浩浩流滋法海恩波玉  
樹亭亭徧布祇園福蔭竊惟寶華一山基開梁  
代刹建明時迨

世祖龍飛嘉運肇啟先師和尚克紹宣宗宏揚正法

今上丁巳歲特蒙

殿下寵頒瑤翰厚錫元纁傳鎮山中允矣爲寶

某

樸檄譟材謬承顧命廿餘年株守寒岩得以鎮  
靜無虞所賴洪庥弗淺恆懷茂德渴仰仁風因



抱拙以深慚故陳情而未遂茲復寶額新頒殊  
恩再及<sup>某</sup>率眾匍匐泥首敬宣會看彩筆氤氲  
光騰霄漢金光燦爛瑞映林泉謹奉供峰頭匪  
特寵渥一時實切福庇萬古然

殿下固以樂善之心但山野愧乏酬恩之具寒暄  
欲獻寧如舜日之光華岫常依藉作堯天之祝  
謹遣執事代申頂謝惟願

皇序無疆金枝永茂螽斯衍慶麟趾呈祥享壽算於  
千春樂昇平於四海用竭丹誠伏希睿鑑臨穎



曷勝瞻注之至

懇 莊親王 和親王轉

奏將寶華山三代祖師所著律宗五部編入大藏

啟

釋福聚 文海

爲恭懇慈恩轉達

天聽事

福聚

山野庸愚恭逢

聖世宣暢律宗重修大藏於雍正十二年五月初二  
日在京請將華山律宗五部收錄入藏欽奉

世宗憲皇帝俞旨將此書著令福聚帶回南去刪改明



白俟送到之日請旨入藏欽此欽遵

福聚

還山

焚香恭禱佛前敬述

聖恩詳譯梵網直解四卷毗尼止持十六卷毗尼作持

十五卷毗尼關要十六卷咸屬戒行之楷模僧

人之律典解釋詳明毋庸增註條分縷細無可

減刪

福聚

愚昧實不能增損一字惟三壇正範

四卷乃闡揚作持部內未盡精微存之雖似涉

冗繁刪之則作持部內又少發明恐後學難於

領會

福聚

回南之時曾將此書留存一分于藏



經館今應否將三壇正範四卷刪除抑或並存

伏候

欽定

福聚

恭逢

天降佛緣廣敷善願率土僧歸戒律敬懇

慈恩轉呈

天聽一併編入大藏永垂萬世伏乞

王爺恩賜轉

奏謹啟

請文海和尚開戒於金陵觀音禪林公啟



王霖

伏以霜清大野菊英開布地之金月屆小陽蓮  
座仰雨花之會鍾峰紫氣瑞接慈航法院金篋  
香傳寶蓋福緣善果道藉人宏恭惟文公大和  
尚瀨水名宗寶華龍象禪心與秋水俱澄佛性  
共春陽並煦慧光照海內之迷途智斧闢人間  
之覺路明珠朗潤仙露清華念先人付託之艱  
奮一往無前之志識心於無體之體持戒於無  
持之持松風水月冷浸三衣法雨慈雲聿修五



戒紹先型於未墜召後學於來茲霖等雅聞戒  
行夙慕清規敬炷瓣香恭迎法座伏願爲佛門  
而普度施大道以慈悲杖錫光臨人天胥願謹  
啟

請文海和尚開戒於松蘿山公啟

俞德流

伏以妙道凝玄遵之莫知其際法流澄湛挹之  
莫測其源獅子窟中分賓分主象王座下集聖  
集凡恭惟寶華座上文翁大和尚燈傳南國衣



受北庭丰神采煥於九重文藻奇探於五緯流  
等久仰慈光常懷芳躅鈍鐵未逢老手顚輒終  
遇良工惟冀現清淨身於留雲奧內出廣長舌  
於富水灘頭蒨草數莖均沾湛露梅檀萬樹其  
藹清風欣瞻法雨飛花快覩松雲散彩臨楮曷  
勝翹企之至謹啟



寶華山志卷之十四

千華三世定菴基祖輯 十六洞天劉名芳纂修

千華七世文海聚祖重校 千華十五世聖性宗再梓

詩 五言古

送昧和尚歸寶華

黃汝亨

貞甫

偶過三笑堂政值三更午試問三昧師汝律是  
何矩淤泥生蓮花香檀爲淨土送我且過溪山  
靜不驚虎

謁誌公像觀碑記

王士禎

阮亭



早讀神僧傳緬希誌公迹劍水踪已遙鍾山事  
成昔豈知常白峰留此千年石鳥爪帶銅綠鏡  
面瑩蘚碧磨滅開元碑蟲鳥紛難譯披蘿究遺  
文剝苔理殘畫斷缺發聞見樵牧增歎息陸銘  
圯寒冢王碑委荒僻廬陵傲珠犀東武比博奕  
淪棄多名珍何憚窮鈎索一勺醴泉水供此風  
雨夕

同王阮亭祠部宿攝山再宿華山紀遊六



往歲游攝山皆在苦寒時同行者促迫未盡茲  
山奇今年夏五月我友王君來相約爲勝游雖  
熱曷敢辭侵晨出北郭陰雲蔽炎曦道里三十  
餘輿夫疾如馳攜手入山門先閱唐宋碑我聞  
唐以前更有江總持諸碑取次閱然後瞻仁祠  
古杏數百年交柯立階墀東偏舍利塔隋帝之  
所治兵燹缺其角墖身尙未虧天界浪杖人藏  
蛻亦在茲塏院與並峙信美非阿私徐觀品外  
泉涓涓出深池接筧入禪堂可以供眾炊巍巍



三石佛雕鏤自梁隋佛身逾四丈光采何陸離  
因上千佛頂大小皆毗尼中間明月臺平廣如  
墀壇昔賢明徵君舍宅爲寺基屢召不出山千  
古高風垂今爲白雲菴竹樹猶繁滋白鹿與白  
乳二泉皆得窺獨惜無高閣爲君表風規振衣  
上中峰鉅石何纍纍蜿蜒行石上一步一傾欹  
晚入般若菴飯蔬聊充饑君愛西澗好臨流張  
其帷向夕雷雨作颯颯涼風吹昧爽雨色霽東  
方吐微熹鼓勇匝山腹石徑多險巇道經天開



巖禹篆鋟者誰徐鍇諸題名埋沒無人知旣乃  
造絕頂彷彿升雲遠西南見鍾阜東北見瓜儀  
俯看黃天蕩烟波浩無涯當時韓蘄王此地陳  
軍麾兀朮乃大困脫身竄山坡成敗各有天懷  
古令人悲日中下山去頓忘筋力疲重登紫峰  
閣纖毫不肯遺門外六朝松天矯虬龍姿造船  
幾斬伐保全荷佛慈棲隱合歸此驅車又何之  
遙指寶華山言訪大律師說戒最精嚴爲人復  
屏夷是夜宿其廬話言同鍼砭曉起謁銅殿聖



母之所貽山頂有龍湫龍子形委蛇試以手掬  
取馴擾了不疑古者豢龍氏想亦類于斯日中  
又欲別相送江之湄君舟去淮甸我馬返茅茨  
浮雲各千里引領長相思回念金陵游累日得  
追隨南北凡五峰尋訪愜幽期觀君作游記序  
次如列眉持以贈同心不異瓊樹枝我何以爲  
報倚櫂吟此詩

懷華山見月大師賦贈二首

釋正壘

豁堂



馥馥谷中蘭娟娟淇上竹目鼻人所同有美誰  
不錄吳人規厚利抱石以爲玉窮工成上爵刻  
意事珍蓄籍以翠毛錦貯以文梓櫝吹拂榷几  
上瑩礫耀人目好事眩其術欣然願求鬻問代  
則商周請價恐驚俗于焉耳食徒車馬日徵逐  
不謂有西賈發足白天竺睨之久不言貌若心  
未服共見秋空月妍醜無隱矚乃知向所爲一  
往徒碌碌

威鳳在丹山至瑞不世出人皆稱羽皇豈獨在



五色以是古聖賢努力撰明德如耕務儲蓄如  
賈務居積尙足化幽風奚僅侈陽翟本末雖不  
同寸陰同禹惜狂瀾藉其導主救天下溺虎豹  
及蛟龍咸各底安宅至今千載下尸祝并禹稷  
吾乘舊智行如虎有二翼跛驢畏象蹴得景乃  
遺質于道竟無成虛名復何益請溯千華臺披  
芬采金寶

登華山

戴思孝

永言

吾儒重義理未敢求神仙神仙恐放逸何況逃



于禪登泰與觀海不靳山水緣生嗟古人遠守  
拙耽林泉驅車駐良常風物秋正鮮篇章爭  
得濟濟多英賢高齋倦披攬如鳥思飛鶩乘暇  
命筇屐茅峰登洞天西望江上山羣峰如青蓮  
凌晨動遊興又上華山巔寺僧守戒律相對靜  
且專舉止循規轍非復虛徒然禮法歎久失箇  
中何乾乾于此絕塵想不禁皈心虔慚余非昌  
黎方外逢大顛

讀安節宓草華山諸作擊節稱快爲賦二



十四韻

王

汾仲

金仙與儒師並尊若日月一教分各門曰禪曰  
法律立名雖有殊入道總歸一陰翊帝王躬無  
爲臻寧謐我聞寶華山誌公始開吉爰興毗尼  
基乃葺維摩室垂眉憫頑癡息心嚴勿密規度  
示遵行謹懈明黜陟留此清淨區滌彼塵煩疾  
戒律漸委靡世代因寡述振興賴昧公斯教復  
隆郅度門多道品見師獨超軼本統大宣揚皇  
風藉以適支派識歸宗推離還故實巍巍驚嶺



宮遙與靈光匹樊籬表茲山歷歷堪指悉池洞  
萃幽清巖岫冒雯霽林木幕陰森巒峰笏峯嶺  
銅殿增輝煌紫衣光奕溢震悼大千羣智愚咸  
自詰投軀式範儀頂奉阿羅蜜草木各依靈獸  
鳥皆來質敢謂供嬉遊觀瞻適所睭歷溯紹衣  
賢賡薦壽卷帙

登華山

王 著 宓草

欲與客遊山先宵戒僮僕朝出朝陽門鍾山映  
初旭肩輿陟橫岡林巒靜如沐逢邨日將午停



輿飯脫粟遙青見攝山回頭顧靈谷行行望華  
山天半青峰簇險隘路崎嶇肩夫行彳亍日西  
至山中入寺規模肅銅殿鑒黃金石壇雕白玉  
淨地滌塵煩留榻先沐浴早起飯伊蒲就迎一  
舒躅凹池看蜥蜴陰洞藏蝙蝠遊罷僧過午肩  
夫苦催促登輿上歸途岐分斷復續西望棲霞  
山平田見山麓返照入深林叢林多古木松欲  
問六朝泉先探白鹿正當初夏時山靜氣不燠  
更值月之望夜遊勝秉燭高登明月臺清輝手



可掬松影若龍蛇微茫及草竹朝上千佛頂鑿  
石費雕斲峩峩紗帽峰橫身且鼓腹嗟彼貴人  
頭高憩遊人足澗水石淙淙松濤風謾謾此山  
遊宜秋於時更清淑霜濃楓葉丹露冷桂花馥  
有興可再來歸途向平陸村莊多田疇江港達  
溝瀆落日照高峰坦道歸樵牧秀色擁林巒鍾  
山高且獨山後夕陰生山前夕陽昱往來晨夕  
看金紫青反復兩山到已頻鍾山遊更熟寶華  
勢高聳淨域青蓮矗棲霞形圓秀如繖更如幄



鍾山如龍蟠蜿蜒相起伏朝暎與夕暉往來近  
相屬曾經梁武問三山堪鼎足作詩告同遊用  
誌遊信宿

遊寶華山慧居寺

巢縣

湯懋綱

維三

寶華聚層巒中有道場古穿林繞陂陁未覺陟  
降苦隨步得奇探逐景送幽覩下見眾山昂上  
視眾山俯陰巖冬雪凝陽嶺朝暎吐松籟答鳴  
泉笙竽萬音鼓深院戒香沈清鐘齋梵午茗熟  
步方停禪談豁靈府願酬支許心頻依清淨土



句容道中望寶華山作

華亭

程文光

鶴浦

旅進應賓興曉發南徐道舍舟而就陸詎非保  
身要多士志進取攬轡恣歡笑郊原氣蕭爽近  
矚復遠眺雙峰入青冥隱現作前導疑是擎天  
柱神工所開鑿頗喜執鞭者津津爲余告其西  
曰寶華其區實靈奧誌公衣鉢傳後人則以倣  
代出瑰奇僧闡揚戒定教比邱接踵皈

天子齋心召曩放五色光百里咸照耀吾聞三歎息福



寶華山志 卷十四  
地何時到願持一瓣香龍潭舒靜嘯

寶華山作

劉景福

五丁開靈山翠律拔近縣一朶青芙蓉眾峰絕  
攀援誌公昔棲禪歷劫如掣電叢林魑晝奔崖  
谷虎跡徧迺得人天師傑構世所羨往歲

鑾輅臨

天章雲錦絢清夜勞夢遊髣髴見真面

聖治日光華膏雨布海甸明春舉

時巡南國邀



帝眷古刹重增輝修飾敢云倦策馬登崔嵬細磴入  
九轉藤蘿互陰翳谷鳥時一轉香龕佛火熒祥  
雲護銅殿白足趺圓蒲靜參脫塵纏松風灑葛  
襟颯若秋濤濺上方不受暑暫息有餘善雨霽  
涼蟾生遙嵐浮翠片草樹鬱蒼蒼

恩波佇流行



地何時到願持一瓣香龍潭舒靜境  
寶華山作  
五丁開鑿山本峻拔近縣一來寺英雅不餘  
恩斯昔茲孫公昔使臨歷劫如無電驚林壑  
窮源主強過乳翠中草樹鬱蒼蒼  
蔚蔚苦林霽翫土衣不受暑習息肯綮善雨露  
草雲鬱晦煥白只知圓蒲結參別壘巖松風飄  
聖治川轉瀛瀛巨壑縹谷鳥翔千巖香龕中人笑新  
帝眷古條重會戰參禪煩云外澗黑登巖泉時登入



詩  
七言古

華山

徐穎

巢友

綠天濛濛午方曙  
蒼雲凝暉吹不去  
幽溪多折寒無人影中  
碧篆神仙署  
山僧欲睡月欲來  
西齋蕭瑟爲我開  
石根西劖苓干歲  
夜半服之騎鶴回

妙峰大師造銅殿三座大士三尊奉五臺  
峩眉寶華三山常住賦贈

釋如愚

蘊璞



震旦三山西域傳深在海中高在天清涼洛伽  
我曾住我眉未到心歉然妙峰和尚眞世尊蚤  
膺聖母親王恩莊嚴殿像偏南北棟梁佛法撐  
乾坤一甌一瓦猶難辦動費金銀數十萬可笑  
當年梁武皇猶不能蓋三銅殿更笑當年優闡  
王猶不能造三大士給孤長者布黃金何如此  
殿堅梁柱忉利天王一莖草何如此像稱相好  
問師那得大威德廣長舌相歎莫測今生植此  
勝因緣當來分身千百億師曰此皆聖人在上



陶鑄功於我區區何有功

自畏歌

釋福登

妙峰

自可畏自可畏無限光陰盡虛棄語默動靜未  
曾離雖然未離爭自昧妄承當自哄自六根門  
頭仔細試見聞知覺臨境時件件推來便不濟  
這虛靈無涯際尋常遇境就蒙昧果爾色空一  
混融總然相似還不是細審察休輕易莫將知  
解分真僞假若念起慧光騰塵塵剎剎未能耳  
旣不然當自恥十二時中挨排起幾時有醒幾



時昏冷暖自知如飲水一切色見內融萬象森  
羅體自空絲毫塵相不能破卽是無明礙眼睛  
羣音響徧界鳴聞機寂寂絕異同耳外有聲生  
滅本動靜雙存霧鎖空物有異性無同從來香  
臭不自名識情未斷妄分別莫教錯認定盤星  
甘苦嘗名號立微言幻語空鳥跡擬議開口先  
失腳過後承當總是癡覺冷暖分細滑離合渾  
忘玉無瑕妙觸宣明猶能所性空慧日被雲遮  
識若生無起相澄潭秋月難比况未能圓充當



有外且莫自迷自欺誑隱山林居城市紛紛幻  
境寂滅體靈臺一點若圓明任運隨緣無順逆  
或著衣或喫飯動靜施爲莫羈絆頃刻相應不  
圓充必須細細重煅煉一無寂羣方顯靈光一  
塊難收攬捏不聚兮撥不開日用如前方可坦  
微芒靜便猖狂自於虛空論短長分別事理甚  
明白逆順臨頭少主張這習氣須調治莫言生  
定難改易自悞一生甚可憐乖異眾生成佛旨  
當自警當自策眞實履踐方可說信解行證心



境如那怕虛空盡爲舌禪不習行不修五千餘  
卷一毫頭塵中具眼如會得大千沙界一浮漚  
困時睡醒時起閒看山雲聽流水山花野鳥皆  
具足碧嶂秋輪亦如是滅滅子要斟酌行住坐  
臥細揣摩愛憎能所渾無間少分相應須充擴  
一念生一念滅念念圓融無欠缺佛生體界自  
如如涅槃生死水中月

金陵五峰行送王阮亭祠部北上

方文

龔山



阮亭先生官揚州江淮山水無不搜最愛舊京  
多古蹟公餘輒作金陵游燕子磯邊每停櫂鳳  
凰臺上幾登眺雨花木末恣扶筇桃葉青谿仍  
垂釣城南牛首與獻花城北攝山復寶華皆因  
僻遠不曾到見人惆悵還咨嗟今年五月遷官  
去重訪金陵舊游處拾遺補闕諧素心捫葛攀  
蘿何足慮先尋佛窟次幽棲邀我同行路不迷  
曉瞻雙闕雲生岫夜臥層樓月滿谿明日驅車  
帝城北攝山幽秀宵難測獨向深林探石泉更



上危峰望京國逶迤便入寶華山言訪律師叩  
禪關此山古蹟雖鮮少手掬龍湫亦動顏五日  
之間五峰徧君始回舟返江縣江干相送惜分  
手重約新秋至淮甸七月涼飈抗去旌我來折  
柳難爲情知君厭聽俗人語爲賦金陵五峰行  
歲甲申參三昧和尚座下

王洪度

眼底何人真不朽玄圃文壇總芻狗黃葉的系  
忽東來自是浮屠霹靂手白毫璀璨剖連城能



挽天河吸北斗憑伊日日世尊前輸我僧祇戒  
律禪一念靜時皈白業萬緣動處亦青蓮山頭  
石女能生子海底泥牛解種田三藏風高獅子  
吼三毒泡幻修羅鬪昧融小大擬蒼荀神繇昧  
徹登靈鷲半龕明月曉鐘清栢脂香惹袈裟哀  
薩婆沙彌諸律詮顯公舶附慧公宣夢裏明明  
有六趣覺後空空無大千綠水青山人我徑柳  
花桃葉是非天衡嶽石堪指雉澤龍頻餉日杲  
維揚五戒新雲連楚塞三湘養王侯受記爭摩



頂布衲紫衣無二相攜塵印落月扣鉢奮長虹  
經壇日演三車素講座時開九品紅祇園今古  
饒春色百尺虬松偃臥龍藩邸欽椒掖慕布慈  
雲子灑甘露北禪卓錫鶴驚飛三乘五性咸超  
悟欲修止欲習觀還揣慙無換骨丹閑思戴笠  
尋山翠數聲清磬暮雲寒

百丈本師三昧和尚將往五臺攀留賦別

王琪

市塵六月日生烟無人不美清涼天相傳文殊



此安禪至今聖燈顯其巔吾師闡律數十年四  
眾皈依滿大千國王北面禮金蓮其卜雙峰供  
法筵師獨心堅大士緣破暑錫杖指幽燕門徒  
相率擁車前號泣攀留殊慘然蒙師立許瓜期  
還神爲飛越領爲延恨不隨師趁玉羈俗因未  
滿若牽纏寄語平章諸聖賢早返牛車力善田  
此地望師解倒懸勿以人我生拘攣

華山禮佛歸止莫愁湖秋夜寄見和尚

曹山秀

中峽



寶華得公山不空塵中見月如見公想公此際  
坐銅殿三更謾謾聞松風松風之下何所事硯  
滴松露貌大士觀浮水月徧虛空舉世賴公相  
指示

寶華山呈見月教授和尚

釋戒顯

晦山

昔年律學久荒涼波旬蕩檢稱法王賴吾祖父  
整巨綱金錫再振聲琅琅南山日月輝大唐羣  
生苦海獲浮囊泰山頽後痛滄桑木义搖搖孰



主張吾師乘願振影堂鐵鑄頭顱石作腸干拘  
不折此脊梁精金萬煉成眞剛千華大席踞繩  
牀講磨五部澄冰霜毗尼精持汰粃糠羯磨久  
廢重舉揚聲流薄海徧梯航北動幽都南越裳  
繭足萬里趨門牆磨濯身心稟戒香鎚金琢玉  
鑪鞫强烹龍束象建高幢屏除魔外勢攙搶毒  
辣門風比桂薑年登六十面雖蒼般舟苦行骨  
昂藏佛法江河瀾正狂得師砥柱正中央層樓  
複閣繞壇場煌煌堂構響隆昌海涵地負冠遐



荒鷄足鵝頭萬載光願師壽量同古皇永爲法  
海作隄防

再呈見老和尚

釋戒顯

晦山

天地百六滄桑早極目風塵盡潦倒麻姑三見  
海成田獨有南山稱不老南山烜赫有聖僧苦  
身獨振波離燈羯磨隨機行事鈔五篇汰玉聚  
澄冰倔起吾師剛骨高道繇鷄足盤嶠堯臺山  
分裂馳萬里得秉尸羅自海潮求之極苦行持  
堅吞冰嚙雪握金鞭冬夏一衲日一食束身耿



厲邁前賢兩番誓死行般舟果見聲光塞大洲  
獨肩七鬯隆昌後千華叢裏萬華浮身律言經  
自我作玉振金聲空海嶽聞名瞻表骨毛寒八  
極奔騰聚鱗角只今七十志猶雄頂相光騰杲  
日紅獅筋象力愈矍鑠挺出喬松過祝融南山  
高猗高無極嵯峨潑黛堆青碧欲知師年邁趙  
州萬古南山驚突兀

寶華山戒壇爲天下律宗第一熊魚山先  
生憩息于此策蹇訪之喜得縱觀名勝率



賦此詩

趙時揖

晴原

秣陵名山望江口競說華山勝牛首我來攬勝  
穿山心虎踞龍蟠盡襟肘金光耀日登銅殿國  
母鎔成功德院銅殿猶存人已亡翠楣紅柱何  
曾變梁武曾親寶誌公臺城鬼哭旛幢空因知  
佛法參非實悟在精誠戒律中戒壇律法殊莊  
肅千衲無聲翕雙目有時吟唱梵音齊妙樂悠  
揚繞空谷波痕灩漾連天淨戒公池面魚遊鏡  
留雲閣上雲不留風吹貼水天溪浸過嶺平隄



合歡喜人心坦易常如此遙挹蓮花峰外香不  
知身在蓮房裏泉依楊柳珍珠滴臺石曬經馴  
蜥蜴黃葉灣邊色尙青烏龍洞底深尤黑追尋  
不得舊鷹窠投宿茅菴枕薜蘿月影靠斜烟未  
出鐘聲敲久夜無多曉起從師戒壇上忠貞意  
氣歸滄溟爲佛爲儒任我爲花山但訂長來往  
自丁未冬皈依華山迄今廿有四年回想  
猶如昨日因賦此詩 王藻 向山  
華山名勝隸華陽遙與鍾阜爭雄長陟彼崔巍



凌霄漢逶迤曲折如羊腸從來居山多耆宿遞  
傳昧師爲法王嗣後見公相繼起主持戒律皆  
人望憶昔丁未之仲冬爰全黃子登上方皈依  
佛法親三寶蒙公方便開慈光三歸五戒爲我  
說集諸闍黎開法堂彼時隆冬屆雨雪匆匆相  
與束行裝一切勝境常繫夢至今耿耿終不忘



寶華山志卷之十五

千華三世定菴基祖輯

十六洞天劉名芳纂修

千華七世文海聚祖重校

千華十五世聖性宗再梓

詩 五言律

華山除夜

釋洪恩

雪浪

城郭元非意雲山跡頗宜百年同有盡萬事了  
無期松火聊成俗茶香莫負時藏舟容易逝昧  
者豈能知

登華山

釋如愚

蘊璞



極目蓮峯遠衝寒雪後尋石橋橫凍樹山閣出  
孤岑每共諸天食恒參七佛心最宜踈曠者巖  
穴寄幽深

寶華山

王象愚

生齋

爲結空門契名山處處登有緣來大地無偈證  
高僧鳥跡侵蓮座巖花映石燈爲君求七寶絕  
勝演三乘

十月二十日往華山雨宿途中二首

鍾

惺

伯敬



有約愧頻止猶賢竟不行  
冬方云久霽月許到  
深更風雨臨時事江山  
一歲情從來遊者理貴  
勿預期程  
屢失清和日因言雨亦佳  
良辰猶可待靜侶最  
難偕有此秋冬感彌深  
遊止懷安知山澤候妙  
不在陰霾

入華山二首

周汝弼

明湖看欲盡遠寺卽聞鍾  
不識青蓮界芙蓉第  
幾重行披三徑草坐對四山松  
雲際傳清梵天



香落碧峯

開徑依山麓清風滿竹林蒼松閱世古啼鳥隔  
雲深埽榻眠花影攤經上石陰翛然塵慮遠珍  
重法王心

華山二首

劉若宰

雷沙

九陌最幽寺吾歸院復深煙霜同覆屋松竹雜  
成林鳥宿境彌靜客來機自沉早年如到此應  
不帶朝簪

松根滿苔石盡日閉禪關有伴年年月無家處



處山煙波五湖遠  
瓶屨一身閒  
岳寺蕙蘭滿  
曇花破笑顏

贈千華和尚

胡家俊

我愛千華寺師居最上方  
獵人偷佛火  
櫟鼠戲禪床  
入定林巒寂  
明心水月光  
毘尼宏祖道  
律振法中王

登華山二首

余大成

集生

松子落何年  
纖枝長水邊  
斫開新礪雪  
移出遠林煙  
帶月啼幽鳥  
兼花灌冷泉  
微風動竹籟  
清



韻自天然

石浪依青嶂幽情寓赤霞  
安禪持貝葉說偈墜  
天花地僻松爲伴心空佛是家  
逍遙塵世外不必誦南華

華山贈昧公二首

方一元

天階讓紫衣冷格鶴猶卑  
道勝兼名出身閒覺  
老遲晚香延定火寒碧度高枝  
每到長松寺心同海鶴姿

燃燈傳祖意杖錫爲諸侯  
來去雲無跡東西水



自流青山春滿目  
白月夜隨舟知到梁園下  
蒼生賴此游

華山

戴重敬夫

跋涉中峯路躊躇愛翠微  
虬松陰壑臥花鴨曉湖飛  
塍細稻芒秀山深人跡稀  
誰家臨水屋假坐一披衣

東風雙髻倚笑指是華山  
每有孤雲起寧無數畝閒  
囊書鋤芋去仗劒牧牛還  
他日封侯夢褰裳事未艱



寶華山訪見月師

方文

龠山

亂山回合處中有律師存授戒不期悟勤修豈  
待言先朝銅作殿終古法爲門古刹多荒落惟  
茲報佛恩

雨中將往華山同龠山坐紫峯閣

王士禎

阮亭

寂歷山中雨僧房晝掩門還來紫峯閣解帶共  
清言花溜千巖落中峯一澗喧誰知江令宅今  
是給孤園



華山

筮重光

再新

江島無多地平開選佛場  
寶坊標紺宇翠柏隱雲堂  
慧日朝迎海晨鐘夜渡霜  
應知雙大士常傍法中王

和筮在辛華山作

張效齡

子長

偶入華山境風光淨法筵  
龍吟松澗底虎化石屏前  
鐘磬空中落雲霞象外連  
檢書依佛火何用杖頭燃

華山時同汪山圖王安節作



寶華山志卷一  
王宏祚

玉銘

眉湧白毫眞吾師吾里人掃庭除虎跡說戒至  
龍神衣受高峯頂心懸慧月輪時偕二三子慈  
範禮松筠

華山

鄧旭

元昭

入谷不知暑松風生晝涼雨先銅殿綠花擁入  
牀香龍櫃前朝賜鷹巢古德藏此中嚴戒律不  
敢蹈清狂

寄華山定菴和尚並祝五十初度



繆彤 研齋

佛壽無涯際法身悟後成  
談經花燦齒宣偈石  
移情德立觀摩眾神閒  
福履并欲將物外頌  
渟樸不能名

登華山贈定菴和尚

白良瑄 義章

有客煙塵外盤阿十畝中  
知心千嶂月把袂一  
林風踪跡雲封徑歌談世不通  
茫茫煙浪裏閒  
煞老山翁

贈華山宜上人

尤侗 展成



華山聞正範聖水見威儀四眾歸禪定三年法  
止持曉鐘金殿震夜咒石壇施坐看傳衣日春  
風擁導師

詠華山寺

李磊

三石

不憚崎嶇路來參祇樹林寶公常現化梁帝每  
招尋桂月輝金殿松風調玉琴直須頻到此靜  
炤滌煩襟

勝蹟游難再浮生僅一探遙山聯地肺近水接  
龍潭攬最諸生肅凭虛萬象涵導師容假榻日



啟寶華函

寶華山

龔志皋

邁種

梵刹南朝盛華山背闕開有僧多佛寶無碣臥  
莓苔老樹破雲出流泉漱石來千秋堂構在何  
處更瑤臺

珠宮不可信銅殿此初經製勝仙人掌光奇雲  
母屏苔封椒壁土露濕晚山螢臥月浸衣冷晨  
鐘夢欲醒

除夜次蒼雪韻

釋讀體

見月



金華山志 卷一 王  
天地一微塵茅廬共掃新若教無此夜那識暫  
閒人白雪融時暮紅梅早占春向來飄泊處應  
是夢中身

春日同楊郡丞張別駕王丹徒遊華山

王

燕子喜

多年企慕地今幸值春過策馬衝層嶂褰衣適  
碧蘿溪聲鳴曲澗鳥語落高柯結伴煙霞外良  
游且放歌

寶華山作

劉錫慶



林巒殘雪霽淨土獨遊頻鳥似忘機客山疑入  
定人靈花飄不盡古木自無春坐悟衣珠在空  
經累劫貧

訪華山格凡隱士

釋上崇 石靈

爲訪幽棲士攜筇入亂峯石門蒼樹合竹榻白  
雲封鳥倦巢窗外猿寒叫月中渾忘榮辱態真  
得古人風

遊華山

涇陽 郭礎 石公

名山原意內到眼不須驚受屐巉巖處扶筇自



在行水流諸壑靜花雨一峯晴紫綠村村變閒  
觀倍有情

過寶華山

莆田

周邦光

侶樵

向晚寺門寂到來一徑斜亭空含暝色松老抱  
藤花短策迴秋草疏鐘散夕鴉山僧因語舊隨  
意具茶瓜

遙聞華山鐘聲

建德

周榮光

懷臣

何處疏鐘動疑從碧落邊乾坤一枕夢風雨五  
更天塵慮誰能息元音此獨全數聲聞罷後新



月馬頭懸

遊華山

攸縣

彭廷梅

湘南

登茲狂態屏不忍說非非律已持靈閼對僧得  
靜機澗泉幽欲語山翠濕侵衣自理遊中趣何  
殊證道歸

江上阻風望寶華山

長洲

薛

雪

生白

指點江雲外名藍定幾重夕陽明絕壁空翠沐  
羣松豈有乘風便翻令問法慵無人同中酒獨  
立望雙峯



登寶華山

江甯

朱

卉  
草衣

名山三寶地登頓每三休雲氣生  
屨底松聲落杖頭四時長積雪  
六月早驚秋未了平生事空  
看麋鹿遊



詩  
七言律

聞妙峯大師鼎新寶華軍中寄懷

釋德清  
憨山

四十年曾乞食過祇陀精舍傍  
恆河中條山湧  
青蓮髻華岳雲騰碧海波  
城郭千家還舍衛法  
身三展變娑婆何時重荷降  
龍錫麻谷牀前再  
羯磨

過寶華山隆昌寺感舊有作

林曾  
斗樞



山市休時鴉欲棲寒峯隱隱暮雲低身披蔓草  
過頽苑手握殘僧問舊題幽夢雖將羣動隔閒  
情難破半生迷浮沉自覺形骸累杜德年來肖  
木鷄

入華山隆昌寺

徐九爵

句裏千峯笑肯時華山今喜踐前期總持教藏  
歸仁者接引羣生有導師信是因緣靈境洽也  
無慈力赴機奇天然一樹菩提種植在人間誰

詩  
得知



自邗溝放舟至龍潭小泊江干爲禮寶華  
山銅殿遂與三昧和尚翦燈夜話次日別

去留詩紀事

劉肇國 阮仙

終歲言歸歸未能又從方外問良朋住山盡屬  
修身士入社深慚有髮僧松檜情懷娛皓月蓮  
花世界話秋燈浮生旣冷春明夢猶賴鞭心入  
大乘

登寶華山

公肅 敬輿

路繞鍾山氣鬱蒼井經寶誌過東陽爲貪佛土



雲林勝不覺空門笑語長  
石榻坐來惟鳥語  
山蔬啖後帶花香  
題名引得同游噓  
老態欹傾字幾行

寶華山

沈顥

律海津梁古薄伽  
蔬香幢畔積天花  
光光心印千珠網  
葉葉燈傳十木叉  
諸有悉空超四果  
羣疑欲破展三車  
今朝古路逢行客  
一任松風拂鬢斜

北禪端和法孫吳緇之領袖也慨季世之



南唐 流逸留心扶律甲申春招老人說戒一會  
來集者數萬指其利人也普矣賦此以贈

釋寂光 三昧

靈根積劫戒香熏智行雙彰迥出羣心血一莖  
樓閣草衣珠三藏貫花文軍持汲水分春井塔  
影當庭咒鉢雲古道天台揮塵後神駒蹴踏此  
聲聞

丙申夏五寶華山應見月和尙楞嚴講期

結制解制詩八章

釋讀徹 蒼雪



無端講社應千華老病人扶上小車南國遠鐘  
蕭帝寺東陽古井誌公家蒼茫不盡江邊葦狼  
藉空餘庭畔花一自雲光登說法獨憐歌酒送  
煙霞

到岸乘風實快哉親迎遣候幾還迴香花夾路  
羣情肅幡蓋摩空宿雨開人引雙虹天上去泉  
奔百道樹頭來儼然未散當年會恍似荆谿入  
五臺

南朝帝業幾興衰碧眼無人辯劫灰山抱玉泉



荒寺繞峯環金刹大僧來針鋒一撥河山轉棗  
葉重移殿閣開衣鉢更誰能繼武法筵經濟見  
宏才

慶喜慣啼拋止葉飲光解笑示拈花而今哭笑  
俱非是何處宗乘辯正邪試問此心曾白否可  
憐雙眼果青耶刹竿倒卻門前久大廈將傾賴  
木叉

晝長無暑夜無蚊帷幔虛牽擲扇巾好與時人  
談語笑但留知己訴辛勤難辭鍛羽投林鳥強



作無心出岫雲一字全經讀破久奈何漏洩盡  
東君

毛輪五色障看經勞久狂花淨眼停刁斗更聲  
催歷歷明星燈火散熒熒交光攝入樓臺影變  
象朝昏草樹形何物無情頭解點也須說與眾  
山聽

閉門莫復恠山僧打睡由來接上乘十日庖羹  
咽未下千人講席病猶登鼓將橐籥風斯轉散  
入塵毛氣不勝如是我聞曾未及奉行信受許



先膺

最初方便請開經末後圓通擇性靈唯我無心  
聊爲說阿誰有耳不能聽蘸乾海墨收佳句縮  
小長江入淨瓶珍重莫教寒社約天涯諸子各  
飄零

春日宿寶華山

龔鼎孳

芝麓

戒壇嚴整自威儀靜掩雙扉對素瓷花落繩牀  
春晝寂庭多蒼蘚晚香宜溪邊鹿過潭留影林  
下僧歸月浸池屈指齊梁舊蕭寺淒涼何處有



殘碑

錄贈定和尚

顧豹文

微言將絕在江南一杖穿雲過石龕  
早得希賢開講席便圖作佛住精藍  
松枝暨義無人會貝葉翻經好共參  
麈尾執來三十載相逢幾箇識君談

與定公夜話

顧豹文

霜落千峯拽杖尋話逢知己宿高林  
埋書草沒松根史洗鉢泉流石磴琴  
萬事幾經黃葉夢三



生難負碧潭心山童不省團欒話催打溪鐘夜未深

寶華山夜宿定公山房

倫可久

子珍

寶地宏開向日關偶因王事得躋攀詩聆白雪音偏古禪叩玄機意自閒坐久一簾花寫影談高三峽水迴瀾況當留我匡牀宿庭滿松風月滿山

寶華山

龔士徵

伯通

金陵白昔重華山千里江天指顧間寺繞羣峯



多古木雲棲深樹隱禪關世傳銅殿威儀盛僧  
得檀林戒律還鐘磬常閒人跡少松風溪水日  
潺潺

壽華山定菴和尚

張玉書

素存

持律曾聞始束身漸從心地悟超塵能於像法  
僧中範自是圓通會上人寶鉢二時雲作供衲  
衣三事月爲鄰妙明常住元無量致祝何煩借  
大椿

登寶華山兼壽定菴和尚



王澤宏 吳盧

華山山色鬱龍蔥三月花開滿岫紅  
百鳥競來方丈底千峯齊拜戒壇中  
春秋定力持方久甲子隨緣過卽空  
我欲皈心依寶掌水邊林下許誰同

登寶華山兼壽定菴和尚

繆彤 念齋

居每臨風想遠公白雲深處綠叢中  
金仙此日逢初度法眾偕來共祝嵩  
性靜雖然忘甲子見



眞原不墮頑空何時謝卻塵囂事常對花峯看

古松

寄寶華山定菴和尚時六十初度

尤

侗

展成

東南獨擅寶華王接引人天豎戒幢雙翠峯頭  
孤月迥萬工池畔九霞長挽回末運崇經律振  
起前猷立紀綱聞說春深成大慶遙聞海外一  
爐香

華山贈定和尚

蔡方炳

九霞



聞說華山古道場，獨持戒律擅空王。  
禪通一喝如來地，偈演三乘般若航。  
寶座風旛遙獻瑞，祇園花雨曉吹香。  
能超世界無窮劫，已玩人間六十霜。

華山訪湘鄰

釋普震

智周

家在夢中歸未得，獨來塵外訪香臺。  
雲踪顧我飄無定，詩戒逢君且暫開。  
躡屐恐教驚宿鳥，看花隨意坐深苔。  
乾坤不滯形骸跡，消受山泉茗一杯。



登華山古刹

江都謝家樹 皎臨

肩輿宛轉問華山萬壑千巖一望間松作虬龍  
多怪異石如虎豹穩躋攀莊嚴佛對羣峯秀瀟  
灑僧歸古洞間何事征塵催客去白雲回首見  
鄉關

行近山居村舍

王槩 安節

桑柘陰濃覆白沙一灣春水澣春霞閒田雨潤  
生蝌蚪山市風微落豆花古井尙傳秦鉅宅  
秦鉅判蘄州金人犯境與郡守李誠之竭力捍  
禦城破巷戰死亡殆盡鉅歸署疾呼吏火倉庫

宋史



繼乃自焚有老卒冒火力挽之出鉅叱曰我爲  
國死汝輩可自求生掣衣就焚而死次子浚先  
往西祖山兵至亟還與弟濯皆從空桑猶認魯  
父死今山下樺墅邨傳鉅祖居也  
朱家誌公生鷹窠東陽朱氏婦于上驅驢來往  
逍遙甚殊覺居人勝九華九華村市客至每苦僧人旅舍互生撻扯

隆昌寺

王槩安節

千徒屏息若無人定慧方知律部消飯後每看  
齋鼠雀鐘前深覺肅心神龍蛇性猛猶知戒鷄  
犬聲遙果絕塵此日最難留混沌莫將綺語破  
天真



宿寶華山

王 槩 安節

禁煙時節喜逢晴  
山映高窗夜亦明  
松枕不生塵土夢  
桑魚長發性靈聲  
入林漸覺身無礙  
出世方知佛有情  
欲向戒堂尋靳尚  
離騷與懺六根清

寶華山作

嚴 鉅

一入山中證所聞  
支公道行果超羣  
圓明律學當天月  
通透禪心出岫雲  
無相卻將般若照  
有身純用戒香熏  
嚮風不獨緇衣輩  
我亦從教斷



五葦

懷寶華山

程庭蒲龕

瀉仰宗風久失傳寶華卓立一燈懸曾扶瘦竹  
穿幽壑獨倚長松聽冷泉戒律頓超無色界鈍  
根不悟上乘禪幾番歷遍煙花劫彈指流光十  
五年

華山作兼呈文和尚

郭畏源

摩竭名山住釋迦年年東海望青霞耆闍窟裡  
雲爲幄獅象巖前雨是花道重九天頒內賜功



超五蓋度中華知君瑞應優曇出欲拜人間小  
結跏

辛亥春杪四過寶華山兼呈文和尚

儀徵方嶠可邨

曾經三過梵王家十載行踪寄白沙芳草難忘  
今日淚東風又放昔時花緇衣萬指瞻龍象綠  
樹千行隱法華珍重山靈當此席

天朝拜

賜紫袈裟



望寶華山

泰州  
陸祖瑜  
伊亭

一肩書劍往來便馬首青螺入望妍古磴百盤  
雙澗落遙峯千級四山連涼風林莽橫秋色落  
日亭臺籠暮煙我欲登高攜蠟屐好從華頂逐  
飛仙

登寶華山

釋闡乘

有眼人天見未曾法雲常護紫衣僧

謂文海和尚

四

樓翠鎖千章木一座涼生六月冰行處鉢龍時  
泛水定回松鼠夜探燈過堂齋磬聲初罷獨上



蓮峯策短藤



詩 五言絕

寄懷華山

陳光裕

水流石不動山靜雲自飛何年山水色染我芰

荷衣

乙亥初冬自京江歸白門道經華山停車

登覽心神交暢集句四首

王之卿

台蓋

寶閣臨無地閒雲入梵宮聲詩依佛律塵刹總

歸空



坐覺塵囂遠心澹水木會指處流香泉不出人  
境外  
山靜泉逾響水流心不競機閒魚鳥親氣肅諸  
天淨  
谷口疏鐘動天長雲樹微攸然策藜杖每與白  
雲歸

汪文烈墓

安節

清曉入華山荒墳拜文烈同伴慕禪規余心重

臣節



詩 七言絕

寄懷妙大師三截句

釋德清 憨山

寶華山色蘸江流  
師住中峯最上頭  
麻谷牀前誌公錫  
迄今風韻鬼神愁

長江一帶自天來  
流入千華洗劫灰  
把斷要關看砥柱  
慈航不數濟川才

天涯行盡路途難  
毒霧炎風任飽餐  
千里千華眞面目  
五更夢斷徹心寒

華山

釋洪恩 雪浪



石徑崎嶇入翠微  
山樓高踞看雲飛  
寶華千片霞光起  
天際斜陽散落暉

過華山律院

孔真運

玉華

山居清淨不聞譁  
律院優曇向日斜  
慧雨香風遍法界  
菩提樹上自開花

華山遇大雪

葉燦

曾城

白雲縹緲護丹臺  
誰駕天風海上來  
傳得瑤花滿城素  
一湖新水碧蓮開

華山禮見公

姜元建



千尺浮圖慧日懸分明石磴接諸天寶華峯頂  
旃檀樹吐出清香古佛前

華山衲雲若以伯敬禮銅殿詩卷索予題

句

林古度

茂之

七十詩人林茂之華山衲至索題詩記予身歷  
華山日四十年前三十時

華山道中

王士禎

阮亭

萬山堆裏看雲松曲崦幽溪復幾重爲愛泉深  
過林去不知煙寺遠聞鐘



賦呈華山定菴和尚

釋智眼 道目

不到華山又幾年依然雲影日相連  
道情濃過人情處月在波心光在天

偶寫寒山寄與公此心端的有相同  
蓮花峯頂梅花發正值春晴得好風

江上泊舟望寶華

戴程 周輪

扁舟江上泊棲霞東望遙青指寶華  
如鏡江光明落照淩虛秀出青蓮花

寶華山作

笄重光 再新



最愛山居養性靈  
空巖爲屋翠爲屏  
亂峯雨過雲猶合  
小洞春深草更青

遊寶華山

宮鴻營

東表

石徑深深細草閒  
遊人覽勝費躋攀  
隆昌寺裏僧多少  
只在雲煙飄渺間

華山晚步

釋修怡

雪衍

碧山欲暮興偏賒  
閒看歸鴻趁落霞  
伐木聲停山客返  
半肩明月半肩花

律堂結夏

釋普瑞

天月



律部堂堂警眾知無來無去亦無疑子規啼落  
長空月紅濕花閒第一枝

寶山落暮興歸親間香醞熟飲都霞外木樨亭  
臥看華山如走公此心猶有醉餘白雲情  
卧遊少只空雲默應煙間

百步飛來瞰草間遊人竄視費觀攀劉昌去裏

局角遊寶華山宮新營東是光

雲散合小歸春彩草更青

景雲山風養對靈空嶺外星華宮氣滿峯雨嚴







